



2024
KONTE MIAMI-DADE
PLAN DAKSYON
VISION ZERO



Mas 2024

MESAJ MAJISTRA KONTE MIAMI-DADE LA DANIELLA LEVINE

CAVA



Chè rezidan, biznis, vizitè ak travayè Konte Miami-Dade,

Sekirite piblik se yon dwa imen fondamantal. Li gen ladan li dwa pou vwayaje an sekirite, kèlkeswa mwayen transpò a. Se pou rezon sa a nou ap investè nan divès opsyon transpò sekirite, kit se kondui, monte bisiklèt, mache, oswa itilizasyon transpò piblik.

Malerezman, twòp moun nan kominote nou an soufri doulè ki genyen nan pèdi yon pwòch nan aksidan sikilasyon sou wout nou yo. De 2018 a 2022, te gen 1,593 zanmi nou, fanmi nou, ak kòlèg nou nan Miami-Dade ki pèdi lavi yo trajikman. Nou dwe elimine aksidan mòtèl sa yo ak blesi sa yo ki chanje vi moun, ki fèt akòz moun ki ap kondui pandan yo distrè oswa pandan yo pa gen kontwòl tèt yo, akòz eksè vitès, akòz konsepsyon wout ki bay sikilasyon machin priyorite sou sekirite pyeton nou yo ak siklis nou yo.

Inisyativ *Vision Zero* nou an se yon fèm afimasyon ki montre entansyon nou pou nou elimine blesi grav e mòtèl nan sikilasyon nan Miami-Dade anvan 2040. Depatman Transpò ak Travo Piblik (DTPW) kontinye bay priyorite a sekirite tout moun ki itilize wout yo, nan pwojè ki rann wout nou yo pi sekirite. Gen plizyè gran avansman ki fèt depi lè nou te adopte Plan Kad *Vision Zero* a an 2021, epi nou dwe kontinye pakou nou sou wout pou nou atenn zewo aksidan mòtèl, zewo blesi grav.

Pwogrè nou fè yo parèt nan Plan Daksyon *Vision Zero* 2024 sa a, ki idantifye wout ki genyen risk sekirite ki pi elve yo, epi ki prezante yon plan pou atenn objektif nou yo. Administrasyon mwen an rete devwe pou nou travay ansanm avèk patnè nan nivo federal, Eta a ak lokal pou mete ann aplikasyon rekòmasyon ki prezante nan Plan Daksyon sa a.

Pandan ke gouvènman konte a ap mete anpil resous nan konstwi wout ki pi sekirite, nou tout genyen responsablite pou nou pwomouvwa sekirite nan lari lè nou tache senti sekirite nou, lè nou kondui avèk tèt nou klè e san nou pa distrè pandan n ap respekte limit vitès yo.

Ansanm, nou kapab amelyore sante epi youn kapab pwoteje lòt toupatou nan Miami-Dade.

Sensèman,

A handwritten signature in black ink that reads "Daniella Levine Cava". The signature is written in a cursive, flowing style.

Daniella Levine Cava
Majistra Konte Miami-Dade

MESAJ EULOIS CLECKLEY, DIREKTÈ AK PDG, DEPATMAN TRANSPÒ AK TRAVO PIBLIK

Chè Rezidan Miami-Dade,

An 2022, te genyen plis pase 3,536 ka lanmò akòz aksidan sikilasyon veyikil a motè an Florid, 9% ladan yo te fèt nan Konte Miami-Dade. Lanmò trajik sa yo te rive pandan aktivite woutin tankou ale nan travay, ale lekòl, oswa ale fè komisyon. Li enpòtan anpil pou nou rekonèt ke aksidan mòtèl sa yo evitab e yo inakseptab. Plan Daksyon *Vision Zero* a vize pou li kreye yon Konte kote tout moun kapab fè trajè pou yo ale lakay, ale lekòl oswa ale kote pou yo adore san risk blesi grav oswa lanmò.



Pandan ke pwogrè gentan fèt depi kòmansman Plan Kad *Vision Zero* 2021 an, toujou gen anpil ki rete pou fèt. Depatman Transpò ak Travo Piblik (DTPW) gentan pran plizyè mezi tankou evalye nouvo pasaj pou pyeton nan mwatye-blòk, ogmante atansyon ak sensibilizasyon anvè itilizatè wout yo ki vilnerab pa mwayen tretman liy pou bisiklèt, siyalizasyon, jewometri amelyore wout, ak ajoute mezi moderasyon sikilasyon nan katye yo pou rann wout yo pi sekirite. Anplis, efò kontinyèl edikasyon ak sensibilizasyon sou *Vision Zero* DTPW yo ap rive jwenn rezidan tout laj toupatou nan Konte a. Malgre efò sa yo, kantite blesi grav ak blesi mòtèl aksidan lakòz yo twò wo toujou.

Nan Plan Daksyon 2024 sa a, nou pataje mezi ke Pwogram *Vision Zero* nou an pral pran pandan senk ane ki pral vini yo pou mete ann aplikasyon politik ak enfrastrikti nesese sou pòsyon wout ki va pwodui pi gwo enpak yo nan kad rediksyon blesi grav ak aksidan mòtèl. Plan Daksyon sa a mete aksan sou konsèp kreye wout pou tout moun, nan asire twotwa sekirite ak wout pou bisiklèt, amelyore sekirite nan alantou arè ak estasyon otobis epi fikse entèseksyon ki danjere yo. DTPW pral kontinye travay ansanm avèk patnè nou yo nan nivo lokal, Eta a ak federal pou asire ke fon yo dedye pou bay sekirite priyorite.

Konte Miami-Dade se bon jan kote pou moun viv, travay ak kote pou moun jwe ak divèti. DTPW devwe pou li ogmante sekirite woutyè pou tout moun epi pou li asire ke sistèm transpò nou an ofri yon avni sekirite ak dirab pou kominote nou an.

Sensèman,

A handwritten signature in blue ink, appearing to be 'E. Cleckley'.

Eulois Cleckley, Direktè ak PDG, Depatman Transpò ak Travo Piblik

REZIME EGZEKITIF



Li plan an konplètman

Istorik Pwogram *Vision Zero* a

Inisyativ *Vision Zero* Konte Miami-Dade te kòmanse an 2018 pandan Òganizasyon Planifikasyon Transpò Miami-Dade (TPO) te lanse premye [Plan *Vision Zero*](#) a. An 2021, Majistra Konte Miami-Dade la, Daniella Levine cava ak Komisyon Konte a te bay priyorite a [Pwogram *Vision Zero*](#) (a Pwogram lan) epi etabli objektif pou fini avèk aksidan sikilasyon ki koze lanmò ak blesi grav nan Konte Miami-Dade. Devlopman [Plan Kad *Vision Zero* 2021](#), an te vini avèk angajman sa a, an kolaborasyon ak plizyè moun ki gen enterè ladan. Plan sa a te idantifye pwoblèm sekirite woutyè nan Konte a, li te note faktè ki kontribye a pwoblèm yo, kalkile tip aksidan selon itilizatè wout yo ak karakteristik wout a tisk elve, li te fè yon evalyasyon ekite, epi li dekri priyorite ak mezi pou kontrekare pwoblèm sekirite ki deja fè prèv yo pou amelyore sekirite nan zòn a risk elve yo.

Done Demografik Konte a ak Zòn Ekite

Planifikasyon yon rezo transpò ki sekirite e konekte ki sèvi bezwen aksè divès rezidan ak vizitè Konte Miami-Dade se yon eleman ki esansyèl. Dapre done resansman 2021 an, Konte Miami-Dade klase kòm setyèm konte ki gen plis moun nan peyi Etazini, avèk yon popilasyon ki apeprè 2.71 milyon moun. Miami-Dade se sèl konte nan Florid ki reprezante tou nan 15 pi gwo konte nan peyi a (resansman, 2023 Etazini). Prèske 70% rezidan Konte Miami-Dade idantifye kòm Panyòl oswa Latino epi 20% nan popilasyon an gen mwens pase laj 18 ane (Biwo Resansman Etazini 2022).

Depatman Transpò Etazini (USDOT) Justice40 Initiative's Equitable Transportation Community (ETC) Explorer, ki defini kominote defavorize nan zafè transpò apati senk faktè (Ensekirite Transpò, Fado Risk Klima ak Dezas, Fado Anviwònmanal, Vulnerabilite Sante, ak Vulnerabilite Sosyal), montre ke 62% (1,554) nan aksidan nan ane 2018-2022 te koze lamò oswa blesi grav (KSI) sou wout konte a ak wout minisipal yo te fèt nan zòn ekite yo (gade seksyon Mizajou Done *Vision Zero* pou plis enfòmasyon).

Enpak Demezire Sekirite Woutyè

Gen plizyè etid ki te demontre ke itilizatè wout ki pi vilnerab pou aksidan, e done resansman yo montre yon gran korelasyon avèk moun ki konsidere kòm pi defavorize atravè analiz sosyo-ekonomik ak analiz demografik. Plan Kad *Vision Zero* 2021 Konte Miami-Dade la te idantifye zòn jwografik yo te afekte seryezman pa yon to aksidan ak blesi elve sou wout (yo rele tou Zòn Priyorite Ekite), yo te gen rapò tou avèk to aksidan ki pi wo yo. Li gen ladan zòn ki gen pi gwo konsantrasyon fanmi a revni fèb, fwaye ki san oto, ak popilasyon minorite (ki pa blan). Anplis de sa, itilizatè wout ki pa sou veyikil yo (siklis, pyeton, pasaje transpò piblik, pasaje mobilèt, elatriye) sibi yon enpak disproporsyonel e advès pwoblèm sekirite woutyè nan sikilasyon le ou konpare yo avèk chofè.

Devlopman Plan Daksyon

Plan Daksyon sa a te devlope an kowòdinasyon trè sere avèk yon Komite Teknik ki gen ladann reprezantan Konstriksyon DTPWV, Konsepsyon Otowout, Operasyon Sikilasyon, Enfrastrikti Transpò, Planifikasyon Sèvis, ak Planifikasyon Miltimodal, ansanm ak Depatman Pak, Rekreyasyon ak Espas Ouvè (PROS) Konte a. Komite Teknik la te bay opinyon ki gen anpil valè sou faktè pou devlope Rezo a Blesi Elve (HIN), Endikatè Pèfòmans Enpòtan (KPI), ak Angajman Aksyon Enpòtan (KAC) pandan devlopman plan an.

Anplis de sa, lè ekip pwojè a rekonèt dimansyon jwografik plan sa a, li te òganize de Atelye Minisipal *Vision Zero* ak reyinyon patikilye avèk minisipalite yo pou pi byen konprann priyorite sekirite espesifik yo epi pou kolabore sou mesaj *Vision Zero* a. Yo te ankouraje minisipalite yo pou yo pataje twa pi gwo priyorite sekirite yo ki baze sou pwòp analiz

REZIME EGZEKITIF



Li plan an konplètmàn

sekirite anvan oswa analiz kontinyèl yo. Opinyon sa a afiche nan lis seksyon Priyorite Sekirite Minisipal yo.

Yon Apèl Ijan pou Pase Alakasyon


Se yon konpreyansyon pwofon sou objektif prensipal nou ap pousuiv la ki dirige Plan Daksyon sa a: amelyore sekirite woutyè pou tout moun, kèlkeswa orijin yo oswa mòd transpò yo. Pou mete aksan sou enpòtans misyon sa a, Plan an mete yon gwo anfaz sou naratif pèsònèl yo. Yo te pataje istwa boulvèsan rezidan Miami ki te trajikman pèdi lavi yo sou rezo transpò konte a, yon fason pou komemore lavi yo e kominike enpak aksidan mòtèl genyen sou fanmi, zanmi ak kominote nou yo. Istwa sa yo sèvi kòm rapèl sezisan sou lavi ke aksidan sou wout afekte, epi ranfòse ijans ak siyifikasyon efò nou yo.

MIZAJOU DONE VISION ZERO



Li plan an konplètmàn

Ilustrasyon 1: Kat zòn cho ki montre dansite Kolizyon Efektif¹ KSI²




MIZAJOU DONE VISION ZERO



Li plan an konplètman

Ilustrasyon 2: Kat zòn cho ki montre dansite Kolizyon Pyeton KSI¹




MIZAJOU DONE VISION ZERO



Li plan an konplètmàn

Ilustrasyon 3: Kat zòn cho ki montre dansite Kolizyon Siklis KSI¹



MIZAJOU DONE VISION ZERO



Li plan an konplètmàn

Ilustrasyon 4: Rezo Kat Miami-Dade a kantite elve blesi

